

'U FIGGHIU E 'A MATRI

Cu a raspa e lu sirraccu
u' marteddu e lu gnanozzu
Gesù travagghiava 'nta buttega
chi avia lassatu Giusippuzzu.
Intentu 'o so lavuru cu amuri,
chì 'a so Matruzza avìa a' campari,
pinsava 'nto so cori cu duluri
chi era l'ura chi l'avia lassari.
Pusati l'attrezzi, beddi ricittati,
si sistimavu chi mani 'u so fantali
e accantu 'a so matri si assittavu.
Avia tuccatu ormai 'i so trent'anni,
era maturatu 'u tempu soji.
Matri, ci dissì a Maria tutta Santa,
Tu sai pircchè di tia nascia
e chiddu chi a stu munnu ajiu 'a ffari:
occuparmi di così di me Patri.

Figghiju, 'u me cori è nu scumpigghju,
spizzatu comu Simiuni m'avia dittu,
cchiù ci pensu e cchiù mi stuttigghju.

Fa chiddu che giustu aji 'a ffari,
chi ogni cosa in celu era scrittu.

Si l'abbrazzavu stritta 'nto so cori
u' Ridinturi 'a so Matruzza bedda
chi l'avia crisiutu pi' trentanni
in silenziu, 'a muddica e muddichedda.

Gesù ciancia ne' 'llassari 'a Matri.

Maria, misa supra o' tagghju a' porta,
vidennu u' Figghju chi s'alluntanava,
ristavu distrutta e paria menza morta.

Messina, 29 Giugno 2010 G. M.